



Ramhlun North YMA Chanchinbu

“YMA thuvawn: YMA chu tanpui ngaite tanpuitu a ni”



YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 43

Issue No. 2

Ramhlun North: Ni 11 January 2025

BRANCH THUTHAR

■ **Meeting hun sawn:** January 10, 2025 zana RNYMA Executive Committee meeting neih tura ruahman chu veng chhungin chhiat kan tawh avangin January 14, 2025 (Thawhlehi) tlaiah sawn a ni.

■ **Jubilee hmanpui:** Pu Lalrochama, CEC member, RNYMA Vice-President chu ni 7 & 8 January, 2025 khan Vathuampui Branch-in Golden Jubilee an lawmnaah a tel.

■ **Veng chhung mite chungah lawmthu:** Krismas 2024 leh Kumthar 2025 vuakvetah halpuah leh halmawite hal lo tura veng chhung mite uar taka kan inchah chuan ngai pawimawh a hlawhin halpuah hal ri hriat tur pawh a awm lo niin hriat a ni a, veng chhung mite chungah RNYMA chuan lawmthu a sawi tak zet a ni.

CENTRAL YMA

■ **Office hawng:** Central YMA Office chu January 6, 2025 dar 9:30 AM khan kum 2025 atan hawn a ni.

■ **Lawmthu sawina:** Kum 2024 Krismas leh Kumthar, 2025 vuakveta Sawrkarin Halpuah leh Halmawi hal a khap leh YMA-in hal lo tura kan ngennate mipuiin kan zawm tha a, a hlawhtling hle niin kan hria a. A hlawhtlin theihna tura thahnemngai taka thawktu, dan leh thupek kengkawhtu te, Kohhranho te, Sub-Headquarters, Group leh Branch YMA te, Chanchin bu mite leh mipui te chungah lawmthu kan sawi tak meuh a ni. Kum lo kal leh zel turah pawh Halpuah leh Halmawi hal hi mihring hriselna atana tha lo leh boruak tichhetu a ni tih hria a, hal lo zel turin kan inngen bawh a ni.

Sd/- Prof. MALSAWMLIANA
General Secretary,
Central YMA

PEM LEHKHA, IN LUAHTIR, HRIATPUINA LEHKHA CHUNGCHANG

Ramhlun North, January 11, 2025: Kum tinin kan vengah hian eizawwna leh zirna avangte leh pawimawh dang dang avangin pem lut leh chhuak kan awm ve reng a, kan vengah lo pem lutte chu khua leh tui tha tak ni tur leh intineitu taka kan vengrawn en turin RNYMA chuan a beiseiin a duh theuh a. Amaherawhchu, mi tha tak tak karah felhleh tak takte pawh awm theih a nih avangin fimkhur thu-hlaah pem lut leh chhuak turte hriat atana pawimawh hi Central YMA-in inkaihhruaina dan zawm tur a siam hi zawm ngei turin a phut tlat a. He inkaihhruaina dan zawm thei lo tur chuan pem luh leh chhuah kawngah harsatna an lo tawh a nih pawhin YMA-in mawh a phur dawn lo a ni. A hnuaia mite hi pem lut leh chhuak turten an zawm ngei turte chu a ni:

⇒ *Ramhlun North-a rawn pem tur chuan an awmna veng YMA Pem Lehkha an rawn nei ngei tur a ni.*

⇒ *Tin, pem lehkha YMA-a pe lut lo chu, YMA-in Pem lehkha a pe chhuak thei lo a ni.*

⇒ *Pem lehkha la chhuak tur ten, Voters ID kengin Secretary hnenah a lak theih a ni.*

⇒ *In luahtir tur chuan Pem lehkha lo dil hmasak thin ni se.*

⇒ *In luahtirtuten hnam dang kan luahtir a nih pawhin ILP an nei ngei em tih finfiah hmasak tur a ni.*

⇒ *Tribal Certificate leh Residential hriatpuina la turten Voter's ID ken ngal tur a ni.*

VATHUAMPUI BRANCH YMA GOLDEN JUBILEE HMANPUI

Ramtuk Thla, Tahrik ni 7 & 8-ah Vathuampui Branch YMA Golden Jubilee ropui taka lawm a ni. Pu MS Ralte, Fin. Secretary, Central YMA chu Khual Zahawm niin, kan Branch Vice-President Pu Lalrochama, Pu C. Laldinlana, Pu Lalbuatsaiha, Pu C. Vanlalruata CEC ten an tawiawm.

Pu MS.Ralte chuan thu sawiin, YMA chu pawl ropui, khawtlang inngahna tlak a ni a, Zofa hmun hrang hranga chengten hnamah kan chian a ka inpumkhat a tul tak zet a ti. Kan awmhmun theuhah kan hnam zia zahpui lova chhawm nung zel turin kalkhawmte a chah.

Khual Zahawm chuan, Zofate kan la tlêm avangin Kohhran duh dana inthlahpun deuh deuh a tul thu te, kan hnam zahawm nan leh hmasawn nan kan pun zel a tul a ti.

Vathuampui Branch-in Golden Jubilee an lawm thei chu a ropui tiin, ramri depa awm an nih avang leh a daidoa tang an nih avangin theihtawp chhuah zel tur leh YMA nihna chhawm nung zel turin a chah bawh.

Central YMA aiawha kalten lawmpuina thuziak hlanin, Vathuampui branch-ten thilpek hlu tak tak an lo hlân ve bawh a ni.

• Vathuampui hi Km 355 chuanga hla a ni a, Pang hnam

an cheng tlangpui.

• Kohhran hrang hrangten Missionary thuthmun an nei.

• Raltlan luhkhawmna bawh a ni.

• Vathuampui Camp-I: 21 chhungkua, Member 124

• Vathuampui Camp II: 42 Chhungkua, 208 member.

• Chamdur tlang: 23 chhungkua, 99 member an cheng mek a ni.

Heng chhawmdawl hna hi YMA chuan theihtawpin a thawh thin a ni.





Ziaka rawngbawlina dam reng se

Pathian hruaina azarah nikum chhung zawngin harsatna lian tham taw lovin kan tuan thei a, kan chanchin bu latu zawng zawng leh chhiartu zawng zawngte chungah kan lawm a. A sem chhuahnaah tlâi chang kan ngah khawp mai; dawhthei taka buaipui zui thinte zawng zawngah chungah pawh Editorial Board aiawhin lawmthu ka sawi mawlh mawlh a ni. Tin, kan hruaitute leh thu chhuah tur min fah a, min finchhuah thintute kan tan an hlu tak zet a ni.

Chanchin bu buatsaih leh buaipui hi thil hautak tak ni mah se, veng chhung miten chanchin inhriatpawhna atana kan la hman avangin vawiin thlengin kan hruaituten ngai pawimawhin a buaipuitu tur Sub-Committee a la din zel a, veng chhung thu leh hlate ziaka dah duhna a la lian zawk zel tihna pawh a kaw kâwm e. Chanchin bu leh lehkhâ bute kan keu thatchhe tawh hle tih chu phat rual a ni lo va, a hlutna erawh a la ngai reng a, a ngaihlû leh chhiar tam apiangte an inchhir ngai lo thung. Chutih rualin, miten kan chanchin bute an ngaihlutna tur chuan tihchangkân leh thu leh hlaa châwm that a mamawh a, a chhung thu tur kan vawm khawm that poh leh ngaihlut a hlawh a rinawm.

Kan chanchin buin chhiar a hlawh theih nan thu leh hlaa tui miten ke rawn pên zel se, nasa takin kan inpui tihna a ni mai. MARYMA enkawl zel turte duhsakna ka hlan e.



PHAWNGPUI TLANG (The Blue Mountain)

Phawngpui, sap tawnga 'Blue mountain' an tih hi, Mizorama tlang sang ber a ni a. A tlang san zawng chu 2,157m niin, Mizoram chhimchhak lam Myanmar border, Lawngtlai dist. chhunga awm a ni. He tlang thlang lamah hian a chanve dawna kual deuh ruihin khâm a awm a, chu chu 'Thla zuang kham' an ti. He tlang hmawr hriam leh ruam thuk zet hi, helaia ramsa cheng 'Saza' te tan chuan, an 'Natural home' a ni.

He tlang hi Mizorama tlang sang ber niin, 7100ft laia sang a ni a. Ram danga tlang sang takte ngaihtuah chuan sang lo viau angin lang mah se, Mizoramah chuan tlang sang ber a ni ve tlat. He khâmah hian lasi leh ramhuai te an chenga rin a ni baw. He tlang bulthut zau zawng hi 2 km zet a ni a. He tlang sang tak hi ramhuai lalpa chenchihna hmun ni âwm takin a ngaihtuah theih a. Phawngpui Tlang hi hman lai pipute rin dan leh an sakhua leh an thawnthua hmun tam tak luahtu a ni. Tin he tlang hming hi Lai tawng atanga lak a ni a, 'Phong' tih chu phul hmun (grassland) emaw, phaitual hnim tona hmun (meadow) tihna niin, '-pui' tih chu thumal tawpa thu bei (suffix) niin, ropui (great) tihna a ni. He hming an phuah chhan nia lang chu, he tlang hmun tam zawk hi phûl chi hrang hrangin a khuu deuh vek vang a ni.

He tlang hi, heng phûlte hian an khuu chuk avang hian Phawngpui tlang chu a tilang ropui bik hle a ni. He tlang hi hman lai pipute rin dan chuan thlarau tam tak chenna hmun a ni a, chung ramhuai leh thlarauho zinga ropui leh pawimawh ber chu an lal 'Sangau' an tih chu niin a lang. He tlang bulthutah hian Sangau khua chu a tak takin a awm nghe nghe a ni. Chu ramhuai lal an tih Sangau fapa chuan hmun dang daiha mi ramhuai lal 'cherian' an tih fanu chu nupuih a nei a. He inneihna ropui takah hian a tu lam ve ve pawhin inneih thilpek inpe tawnin Sangau lam chuan 'ngau' nupa pein, Cherian lam hian 'far' thingkung an pe ve baw.

He tlangah hian thil mak pui pui leh dangdai tak tak a awm nual mai a, thuthang mak tak mai pakhat chu 'zawhte ki nei' a awm a, a hmutute apiang chu an thi zel thin, tih te, hmanah sap pakhatin sava a kap thla a, chu sava chu a fûkna thingkung atang chuan a hnuia tuih tak a tla thla a, mahse thi miah lovin a thlawk chhuak leh nghal daih chu, chu sap pachal chuan tui chu nunna tui a nih ringin rawn lak leh a tum a, mahse chu lai zawn tak chu a hre mai tawh lo a, tuman a awmna tun thlengin an hre thei ta lo a ni, tih te a awm a ni.

Phawngpui Tlang bulthutah hian a tlang pan chhohna pui berah 'Farpak' (far thing hmun) an tih chu a awm a ni. Kum 1992 khan Phawngpui tlang hi 'Phawngpui National Park' tiin, protected area-a puan a ni a. India rama National park pakhat, Mizoram chhunga awm a nih rualin, Mizoram ta a ni. Mizoram sawrkar chuan November atanga April thla inkar chhung chauh hian eco-friendly bik atan helai hmun hi tlawh a phal a ni. He tlang bulthut hual velah hian mau hmun bakah thingkung par chi, chi hrang hrang mawi tak tak a tam a. Tin, phengphehlep chi hrang hrang bakah hmun danga nungcha hmuh tur vâng tak takte leh he tlang chauha hmuh tur awm nungchate an awm baw.

Phawngpui Tlang 'farpak' ah hian, phul hmun zau tak he tlang hmawra khâm awmna thlenga inpharh pheii chu a awm a. He tlangah hian hmun danga awm lo sava chi thenkhat an awm a. Mutê chikhat (peregrine falcon) te, leia tla chi, ar tiat vela lian sava, (Blyth's tragopan), sava hmui zum sei tak nei, maimawm leh rannung tenau ei chi (sunbird) te, vate chikhat (grey sibia) leh tuklo (golden-throated barbet) te leh arpui tiat vel, sava mei sei leh mawi tak (mrs hume's pheasant) te, kawlhâwk/vahai (hornbill), vamûr (dark rumped swift), sava tial thuk mai (mountain bamboo partridge), mupui dum chi (black eagle) te leh sava dang chi hrang hrang tam tak an awm a ni. Chubakah, he Fâr Pak zawl atang chuan kawng zim tē a awm a, chu kalkawng zawh tâwpah chuan hmun remchang em em mai Pûk (pûk tak tak ni lo) a awm a, chu chu 'TIALPARI PÛK' an ti. He pûk Tialpari an tihna chhan chu, he pûkah hian Tialpari hi a lo tawm tawh thin a, chutia chu pûka a tawm lai chuan sakeite'n an lo veng thin a ni âwm e. Chuta tang chuan he hming hi a lo pu ta niin an sawi. He pûk piah deuh lawkah hian British-hovin Mizoram an awp lai vela an riahna/awmna hmun BANGLA HMUN an tih a awm a, tunah erawh Lai District Council hian Bangla thar an sa tawh a ni. Tin, he tlangah hian, keitê/kelrâl vâng tak, Clouded Leopard an tih chu awmin, kum 1997 atang khan Far pakah hian, chhinchhiah tan an ni baw. Phawngpui Tlang atang hian Nauban (orchids) chi hrang hrangte chu rûkbo thin an ni. Heng ramhnuia kan ram rohlute hi venhim a, enkawl that tlat hi a ram neitute hian kan bat tlat a ni.



DISTILLED WATER.
Exide Company Products.

For Motor/Inverter/Solar Batteries

LH Thanga Enterprise
Ramhlun North
Ph:7628833865

MRP. 160/-

Bawngkawn Durtlang Road
Ph:6909137974
9:00 am- 6:00 pm



Editor: John Lallawmawma (7005610110); **Jt. Editor-te:** John F. Lalrinsanga, Lalhruaizeli Pachau, Lalrotluangi Zote, RK Lalmuanpuia
Manager: H. Rodingliana (9862818415); **Asst. Manager-te:** Vanlalemruatpuia Ralte, Lalremruata, Lalhmingthanga
Circulation Managers: Dominic Lalmuanpuia, PB Lalhuapzaua, Hmingthanzuala, Lalrintluanga, K. Lalmuanpuia, Lalrinchunga, R. Zodinsanga, Lalthlamuana Ralte

DAMLO

■ Pu C. Laltlanmawia (f/o Pu C. Lalremruatfela-BECM), C-Sec chu Ebenezer Hospital atangin in lama inenkawl chhunzawm turin an lo chhuak.

■ Pi Lalremzovi d/o K. Zuia (L), C-Sec chu scrub typhus avangin in lamah enkawl mek a ni.

■ Pu B. Zakamlova, V-Sec, Aizawl Civil Hospital-a awm chu dam takin an lo chhuak.

ZIN & HAW

■ Pu Laldinglana Sailo, Branch President leh Pu B. Rozamlana, C-Sec, pawimawh buaipuia Serchhipa zin chu dam takin an lo haw.

■ Central YMA hruaitu Vathuampui Branch YMA Golden Jubilee, ni 7.1.2025 hmanpuia kal zinga mi kan Branch Vice-President Pu Lalrochama chu dam takin a lo haw leh ta.

■ Pu Lalneihhlua BECM leh Pu C. Lalremruata BECM te nupa, chhungkaw pawimawha Ratua zin chu dam takin an lo haw.

■ Pu Vanlalrova BECM chhungkaw thila Hnahthiala zin chu dam takin a lo haw leh ta.

■ Pu Darchungnunga h/o PB Ramthansangi, V-Sec, an nu boral avanga Phullena kal chu an lo haw leh ta.

■ Pu Lalremsanga Hnamte, BECM/C-Sec Asst. Leader chu chhiattawhna avangin Mamitah a zin.

■ Pi Lalzuithangi m/o Tv. Lalthanchhunga te nufa, T-Sec, kumthar hmanga Kolkata-a zin chu tun kâr khan dam takin an lo haw.

CYMA CHETVELNA

6.1.2025: Aizawl DC Office Conference Hall-ah Special Summary Revision of Photo Electoral Rolls Final Publication neihah Central YMA aiawhin Pu M.S. Ralte, Fin. Secretary a tel.

7.1.2025: Aizawl DC Conference Hall-ah Republic Day, 2025 Celebration Committee meeting neih a ni a, Pu Roneihthanga Treasurer a tel.

8.1.2025: Aizawl DC Conference Hall-ah Final Publication of Electoral Rolls of Local Council (AMC) leh VC neih a ni a, Pu Roneihthanga Treasurer a tel.

8.1.2025: Vathuampui Branch YMA-ten Golden Jubilee an lawm a, Pu M.S. Ralte Fin. Secretary, Pu C. Laldinlana CEC, Pu C. Vanlalruata CEC, Pu Lalrochama

CHATUAN RAMAH

JACOB LALNUNMAWIA, Kum 35 s/o Lalremchhunga, S-Sec chuan ni 5.1.2025 zing dar 2:25 khan chatuan ram min pansan a, hemi ni chawhnu dar 1:00-ah vui a ni.

Lusun chhungte Thlamuantu Pathianin awmpui rawh se.



MAJOR R. THANGKHUMA, Kum 67 h/o Major Romawii, S-Sec chuan ni 9.1.2025 tlai dar 5:50 khan chatuan ram min pansan a, a tuk ni 10.1.2025 chhun dar 12:00-ah vui a ni.

Lusun chhungte Thlamuantu Pathianin awmpui rawh se.



LALHMINGSANGA ZOTE, Kum 38 s/o Vanlalruata Zote, C-Sec chuan ni 10.1.2025 zing dar 3:30 khan chatuan ram min pansan a, hemi ni chawhnu dar 1:00-ah vui a ni.

Lusun chhungte Thlamuantu Pathianin awmpui rawh se.

**ZIN & HAW**

■ Nl. Lalruatkimi Khiangte d/o Lalremzovi, C-Sec chu a hnathawhna hmun Saitual atangin a lo haw.

INSAWN

■ Pu Lalzawna te chhungkua, V-Sec chu Pu F. Vanlalruala, C-Sec te in hnuaiah an insawn.

■ Pi Ngurthangpuii (m/o Papuia Pachuau) te chhungkua, T-Sec chuan T-Sec-a anmahni in sak thar an luah fel ta.

CEC ten an hmanpui a, Central YMA hmingin lawmpuina Citation an hlan.

9.1.2025: Secretary, UD&PA Office Chamber-ah Aizawl khawpui faina tura Central YMA nena thawhhona chungchangah meeting neih a ni a, Pu Lalhmachhuana President, Prof. Lalnunluanga Vice-President leh Dr. Lalrinawma Hnamte CEC te an tel.

9.1.2024: Secretariat Conference Hall, MINECO-ah Governing Body of MISSAAT meeting neih a ni a, Pu Roneihthanga Treasurer a tel.

10.1.2025: Young Chorei Association Silver Jubilee cum KHAMBAR Festival, Magura, Sribumi District Assam-ah lawmna neih a ni a, Prof. Malsawmlana Gen. Secretary, Pu S.F. David Ngursangzuala CEC, Tv. C. Lalthlamuana CEC ten an hmanpui a, Central YMA hmingin lawmpuina thuziak Citation an hlan.

**ADVERTISEMENT****VALTEA STEEL AND ALUMINIUM FABRICATION**

Steel leh Aluminium eng chi pawh siam tur neite tan koh leh biakrawn theih reng kan ni e.

LD – 7640879768 | 9366215935

TUI THIANGHLIM

Tui thianghlime pickup trip litre (2000) order-in kan pe theih reng e.

Phone No:

9774395434 / 8794790682

CHALK TUITION CENTRE

February 2025 atanga tan turin Class 1-10, subject hrang hrangah tuition a mamawh tan hawn a ni dawn ta e.

A hmun: H. Chalkhuma Building
H. No. C/115/C/III

Biak In mual, Ramhlun North

Contact No:

9862575455 | 9862343947

STEPPING STONES

Child Education Centre



PRE SCHOOL & DAY CARE

Admission Open

2025-2026

Contact - 9612358041/8787487732

Ramhlun North, Aizawl

HI-TECH INSTITUTE OF COMPUTER

JUNE 2025, DCA/CCA
MSCTE HNUAIA EXAM TURIN
ADMISSION HAWN MEK A NI.

HUN REILO te chhunga
Course zirzo duh tan a zir theih e.

CLASS KAL HMANLO
tan pawh, i awm na hmun atang a i zir ve theih dan tur kan lo ruahman sak ang che.

SATURDAY chauh Class
kal hman tan pawh, Seat a awm e. (10am - 2pm)

Zarkawt (Near LPS Office)

&

Ramhlun North.
(Opp. Industry peng)

Aizawl: Mizoram.

+91 9089612701

+91 9862343182



ONLINE ADMISSION
AVAILABLE

@

hitechic.in

FREE CLASS

PC HARDWARE
MAINTENANCE

WINDOWS
INSTALLATION

SOFTWARE
INSTALLATION

PRINTING & SCANNING

CLASS TIMING
7:00AM - 8:00PM
(Mon-Fri)

Affiliated by:
MIZORAM STATE
COUNCIL FOR
TECHNICAL
EDUCATION
(MSCTE)

ARTICLE

KKK, N-SEC

HINDU SAKHUAIN MIN CHÎM PIL LOH NAN

Tirkohte 17:22-23 “Tin, Paula chu, Areopagi lai takah chuan a ding a, a sawi a. “Nangni Atheni khuaa mite u, engkimah sakhaw ngaihsak tak mi in ni tih ka hria e. Ka lèn paha in chibai bukate ka en laiin, maicham pakhat, a chungah, ‘Hriat Loh Pathian tan’ tia ziaak ka hmu a ni. Chutichuan hre lova chibai in buk thina kha, chu mia thu chu ka hrilh che u a nih hi.”

Pipute Sakhua: Mi tam tak chuan kan Pi leh Pute kha ramhuai bia leh thingbul lungbul biaah riák an chan a. Chutiang chu a lo ni rêng em le? Vanah khian Khuanu, Pathian awmin an ring a, chu chu engkim siamtu leh dintu, malsawmtu leh vengtu niin an ring a, chu ngei chu a ni an biak thin ni. Amaherawhchu, eng emaw chang chuan an dam loh nikhuaah erawh chuan tinatu nia an rin tlawn nan ramhuai hnenah pawh inthawina an hlan chang a awm tho mai. Chu chuan Pathianah an be ta tihna erawh a ni lo. Heng ramhuaite hian damlo kaltlang hian an rawn phût thin vang te pawh a ni fo mai. Kan Pi leh Pute kha ei leh in thu-ah te, faina kawngah te leh a hring a hrâna ramhuai hnathawh an chungah thleng nasa avang tein an chungah damlohna a thleng nasa em em ang tih a rin theih a. Chuvang chuan hmu mai theihin inthawina an hlanna hmun pawh a tam hle ngei ang le.

KRISTIANNA LEH MIZOTE: Sap missionary-te an rawn luh khan chung inthawinate chu hmun tinah an hmu ngei ang. Tin, ramhuai an hlauhzia pawh an rawn hre nghal ngei ang. Chuvang chuan ramhuai biaah an rawn ring nghal tawp dawn tih hi a hriat a ni. **PIPUTE SAKHUA LEH JUDA SAKHUA:** Pipute khan sakhua nghet tak mai an nei a, Hindu-te angin milem bia an ni lo. Pathian lem dina be lovin chu Pathian, Khuanu tia an koh mai hnenah chuan inthawina an hlan thin a ni. Juda sakhuaah pawh Pathian, Jehova chu a lim din lovin a hnenah inthawina an hlan mai zawk a nih kha.

THUTHLUNG INTHLAK: Juda Sakhua tia ka sawi hi kan Bible-a Thuthlung Hlui huna Judate sakhua kha a ni a, mahse, Lal Isuaah Pathian chuan thuthlung a rawn thlak ta a, chu chu Chanchin Tha kan tih tak hi a ni ber awm e. Chu chanchin Tha chu puang darh turin a zuitute chu thu, Lal Isuan chuan a pe ta a ni. Thuthlung a inthlak hnuah Pathian thar a rawn awm ta a ni lo va, chu Pathiana tho chu a kum chhira inthawina hlan lova, Isuaa inthawina chu chatuan atan a tawk a, amah leh amah intitlawma a rawn lanna chu sakhaw tharah pawm a lo ni ta zawk a ni. Pathian pangngai reng chu lan dan dangin a rawn inpuang a ni zawk. Pathian hnen thlenna kawng chu rawn thlakin Isuaa kalte chauhin Pathian hnen an thleng thei ta a ni.

PIPUTE SAKHUA KHA SAKHAW DIK A LO NI RENGEM? Pathian chu a tir atang rengin a thilsiamahnte a inpuang a, mihringte chuan chu thil chu an hre Chiang em em a ni. Chuvang chuan Atheni khuaa mite pawhin chu an hriat loh Pathian chu an lo be thin a nih kha. Chutiang chiaah chuan kan Pi leh Pute pawh chu Pathian, thil siana inpuang ngeia chu Pathianah ngei pawmin an lo be zawk a ni.

HE THU HI ENG VANGA ZIAK NGE KA NIH? Kan Pi leh Pute sulhnu tam tak kan hmu chhuak thar zel a, chung hmun hlu tak takte chu National Heritage-ah te puan a lo ni ta nual mai bawk. Chutih rual chuan thil ken tel a rawn nei nghal a, chu tak chu a ni he thu min ziahtirtu chu. India ram, Hindu sakhaw len em emna ramah kan awm a, Hindu sakhua chu milem be sakhua a ni. Anni hian tunah hian fing tak maiin an sakhua an tilian mek a, kan Pi leh Pute sakhua, keinin kan hnaw l hnu chu Hindu sakhuaah an puang ta tlat mai. Chumiin a ken tel chu, chung kan Pi leh Pute sulhnu kan roh em em mai chu Hindu hmun a ni tih hi a ni. An sakhaw hmun a nih tlat avangin a neitu an lo ni zel dawn tihna a nih chu. Ayodhia atang hian a Chiang em em a ni.

HNAWL HNU PAWM LEH A NGAI: Juda Sakhua (Thuthlung Hlui sakhua) leh Kristian Sakhuaa Pathian chu a danglam lo va, chu Pathian hnen thlenna kalkawng chu thuthlung thar hmangin thlak a ni mai chauh zawk a ni. Sakhaw thar chuan Pathian thar a rawn keng lo, sakhaw hluia Pathian tho kha sakhaw thara Pathian ▶

ADVERTISEMENT

SP TUI

Tui hna thianghlim, ei leh in tlak, litre 2000 pickup trip kan pe thei e. **Mobile: 9615789047/8730960917**

KC TUI

Tui thianghlim, Pickup-in 2,000 litre kan pe thei reng e. Ramhlun North veng chung tan discount kan pe e. **Ph: 7005010327 / 9774223462**

SEPTIC TANK KHAT TAN

SEPTIC TANK-A HARSATNA NEI TAN KOH THEIH RENG KAN NI E. PAIH FAI, COMMODE BLOCK, PIPE FITTING, COMMODE FITTING, EUROPEAN, SOAK PIT HLUI REPAIR LEH A THAR PAWH KAN SIAM THEI E. **RATE: INBIAKREMNA**
REGISTRATION NO. MRS 154 OF 2012
L.D. 7640879768 / 9366215935

M.S. SEPTIC TANK SERVICE

Septic Tank khat paih fai, commode Block, Pipe Block leh Soakpit hlui leh a thar siam repairing engkim kan thawk reng e. **Rate: Inbiakremna | Ph: 8974361224 | 7005241029**

SAWMA SEPTIC TANK SERVICE

Septic Tank khat paih fai, Commode block, Pipe fit, Soak pit thar siam, engkim kan thawk thei e.
Rate: Inbiakremna | Phone: 8119969364

JOHAN'S COMPUTER INSTITUTE (JCI)

(GOVT. APPROVED INSTITUTION)
Near LH Thanga Enterprise, Industry Peng. Ramhlun 'N'
Contact No. 7005608874

COMPUTER CLASS (Jan - Jun Session)

FREE ADMISSION OPEN

COURSES: 1.CCC; 2. DCA 1st & 2nd Sem
Timing: 6:30am-8:30am
10:00am-5:30pm | 6:30-9:00pm
Instructor: C Lalbiaknunga (Nungtea), BE Comp. Sc & Engg.

COMMON SERVICE CENTRE (CSC)
kaltlangin hengte hi kan ti thei baw

Pan Card | Motor Insurance | Learner's Licence | Tribal/Residential/Income Certificate| Indian Passport | GST Registration | UDYUM Registration | Inhmun Hmingthlak (Sales & Gift Deed) | Bank Mortgage & Release Lease/Rent Agreement

▶ a ni. Kan Pi leh Pute hmun hlui, kan ngaihhlut em emah hian Hindu temple a din hma ngeiin kan harh a ngai tak meuh meuh a ni. Kan Pi leh Pute Pathian, engkim siamtu, malsawmtu leh awmpuitu ngei kha tuna Kristiante Pathian tho hi a ni tih kan pawm leh a va ngai tak em!

Rom 1:19-20 “Pathianin a hriattir tawh avangin Pathian chanchin hriat tur mi chu an rilruah hriattirin a awm si a. A thil hmu theih loh (a chatuan thiltihtheihna leh a Pathian zia chu) khawvel siam tirh ata fiah taka hmuin a awm a, thil siamah chuan a lang a ni; chuvang chuan chhuanlam tur an nei lo”

Ni e, Pathian chu kan Pi leh Pute hnenah khan a inpuang ngei a, chu a inpuanna an hriatthiam dan chuan biak pawh an lo be ngei reng a ni lo'm ni? Israelte khan sakhaw dik lo an bia a, Pathian dik lo hnenah inthawina an lo hlan kan ti ngai em ni? Hnai lo ve, thuthlung a inthlak kan ti zawk thin. Chu thuthlung inthlak chu keinin kum 1894-ah kan lo hre ve chauh a ni zawk. Kei zawngin kan Pi leh Pute hnena lo inpuang, Pathiana kha Hindu-te pathiana pek hi ka phal thei ngang lo a, kan Pi leh Pute sulhnu pawh hi Hindu-te sulhnu a ni tia pawmpui hi ka thei ngai dawn lo a ni.